




Na osnovu člana 47. stav 2. i 48. stav 5. Poslovnika o radu Općinskog vijeća Lukavac ("Službeni glasnik općine Lukavac", broj: 5/06, 2/09 i 5/09), a u vezi sa članom 165. Statuta Grada Lukavac („Sl. glasnik Grada Lukavac“, broj 14/25), Predsjedavajući Gradskog vijeća upućuje

## P O Z I V

za **8. vanrednu sjednicu** Gradskog vijeća Lukavac, koja će se održati dana **19.01.2026.godine (ponedjeljak)** sa početkom **u 13,00 sati** u sali Policijske uprave Lukavac i za istu predlaže slijedeći

## DNEVNI RED

1. Razmatranje prijedloga i donošenje Odluke o povjeravanju obavljanja komunalne djelatnosti javnog linijskog prevoza putnika na području Grada Lukavac



PREDSDJEDAVAJUĆI  
GRADSKOG VIJEĆA  
Mihailo Sarajlić, dipl.ecc., s.r.





Broj: 02-02-86-1/26  
Lukavac, 15.01.2026. godine

- **Gradsko vijeće Lukavac**
- **Stručna služba Gradskog vijeća**

**PREDMET:** Zahtjev za sazivanje vanredne sjednice Gradskog vijeća Lukavac, dostavlja se

Poštovani,

Na osnovu odredbi člana 47. do 49. Poslovnika o radu Gradskog vijeća Lukavac ("Sl. glasnik općine Lukavac", broj 5/06, 2/09 i 5/09), a u vezi sa članom 8. Zakona o principima lokalne samouprave („Službene novine Federacije Bosne i Hercegovine“, broj: 49/06 i 51/09), članom 23. Statuta Grada Lukavca („Službeni glasnik Grada Lukavca“, broj: 14/25), te članom 9. stav (4) Zakona o komunalnim djelatnostima („Službene novine Tuzlanskog kantona“, broj: 11/21 i 7/25), podnosi se **Zahtjev za sazivanje vanredne sjednice Gradskog vijeća Lukavac radi razmatranja i donošenja Odluke o povjeravanju obavljanja komunalne djelatnosti javnog linijskog prevoza putnika na području grada Lukavca.**

Razlog za sazivanje vanredne sjednice ogleda se u potrebi **hitnog obezbjeđivanja kontinuiteta javnog linijskog prevoza putnika**, koji predstavlja komunalnu djelatnost od posebnog javnog interesa i neposredno utiče na svakodnevno funkcionisanje građana, privrede, obrazovnih i zdravstvenih ustanova na području grada Lukavca.

Neodržavanje kontinuiteta u pružanju ove komunalne usluge može dovesti do ozbiljnih posljedica po prava i potrebe građana, kao i do poremećaja u javnom saobraćaju i radu javnih institucija.

Kada je u pitanju pravni osnov za donošenje predmetne odluke ukazujemo na slijedeće:

Članom 3. Zakona o komunalnim djelatnostima javni prijevoz putnika je izričito definisan kao komunalna djelatnost.

Članom 8. istog Zakona propisano je da jedinica lokalne samouprave obezbjeđuje obavljanje komunalnih djelatnosti, između ostalog, putem pravnog lica na osnovu ugovora o povjeravanju komunalnih poslova.

Članom 9. stav (4) Zakona propisano je da odluku o povjeravanju obavljanja komunalne djelatnosti donosi općinsko/gradsko vijeće, nakon provedenog postupka u skladu sa Zakonom o javnim nabavkama.




U konkretnom slučaju, proveden je otvoreni postupak javne nabavke sa međunarodnom objavom, okončan donošenjem Odluke o izboru najpovoljnijeg ponuđača broj: 04-04-3313/25 od 29.12.2025. godine, te je neophodno da Gradsko vijeće, bez odlaganja, donese odluku kojom se omogućava zaključenje okvirnog sporazuma i početak pružanja usluge.

S obzirom na zakonske rokove za zaključenje okvirnog sporazuma i pojedinačnih ugovora, kao i obavezu davaoca usluge da u kratkom roku započne obavljanje javnog linijskog prevoza i uspostavi sistem naplate voznih karata, jasno je da se radi o pitanju koje **ne trpi odlaganje do redovne sjednice Gradskog vijeća.**

Iz navedenih razloga ispunjeni su uslovi propisani Poslovníkom o radu Gradskog vijeća Lukavac za sazivanje vanredne sjednice, te se slijedom navedenog predlaže da se vanredna sjednica sazove sa sljedećom tačkom dnevnog reda:

„Razmatranje i donošenje Odluke o povjeravanju obavljanja komunalne djelatnosti javnog linijskog prevoza putnika na području grada Lukavca broj: 02-02-86/26 od 09.01.2026. godine.“

Imajući u vidu zakonske obaveze Grada Lukavca, javni interes i potrebu neprekidnog pružanja komunalne usluge javnog prijevoza putnika, predlaže se Predsjedavajućem Gradskog vijeća Lukavac da, u skladu sa Poslovníkom o radu, **hitno sazove vanrednu sjednicu Gradskog vijeća Lukavac.**



GRADONAČELNIK

Dr. Sci. Edin Delić

Dostaviti:

1. Naslovu 2x,
2. Služba za komunalne i inspekcijske poslove,
3. Evidenciji i
4. Arhivi.



Broj: 02-02-86/26  
Lukavac, 09.01.2026.godine

PRIJEDLOG

**ODLUKU**  
**o povjeravanju obavljanja komunalne djelatnosti**  
**javnog linijskog prevoza putnika na području grada Lukavca**

PREDLAGAČ: Gradonačelnik

OBRAĐIVAČ: Služba za komunalne i inspeksijske poslove

RAZMATRA: Gradsko vijeće

Strana 1 od 4



ISO 9001:2015  
No. 308550 QM15

Grada Lukavac - Gradski Načelnik, Trg slobode 1, 75300 Lukavac  
[www.lukavac.ba](http://www.lukavac.ba), e-mail: [kabinet-nacelnika@lukavac.ba](mailto:kabinet-nacelnika@lukavac.ba)  
Tel. +387 35 366 700, fax: +387 35 366 703



ISO 9001:2015  
No. 308550 QM15

Na osnovu člana 8. Zakona o principima lokalne samouprave („Službene novine Federacije Bosne i Hercegovine“, broj: 49/06 i 51/09), člana 23. Statuta grada Lukavca („Službeni glasnik grada Lukavca“, broj: 14/25), člana 4. stav 4. Odluke o davanju saglasnosti za pokretanje postupka javnih nabavki usluga javnog linijskog prijevoza putnika na području grada Lukavac, putem otvorenog postupka javne nabavke usluga sa međunarodnom objavom („Službeni glasnik grada Lukavac“, broj: 12/25), a u vezi sa članom 9. stav 4. Zakona o komunalnim djelatnostima („Službene novine Tuzlanskog kantona“, broj: 11/21 i 7/25), Gradsko vijeće Lukavca na svojoj sjednici održanoj dana, \_\_\_\_\_. godine, donosi

**ODLUKU**  
**o povjeravanju obavljanja komunalne djelatnosti**  
**javnog linijskog prevoza putnika na području grada Lukavca**

Član 1.  
(Povjeravanje obavljanja komunalne djelatnosti)

Obavljanje komunalne djelatnosti javnog linijskog prevoza putnika na području grada Lukavca povjerava se „Gradski i prigradski saobraćaj“ d.o.o. Tuzla.

Povjeravanje se vrši po okončanom otvorenom postupku javne nabavke usluga sa međunarodnom objavom pod nazivom „Nabavka usluga obavljanja komunalne djelatnosti javnog linijskog prevoza putnika na području grada Lukavca“, provedenom u skladu sa odredbama Odluke o davanju saglasnosti za pokretanje postupka javnih nabavki usluga javnog linijskog prijevoza putnika na području grada Lukavac, putem otvorenog postupka javne nabavke usluga sa međunarodnom objavom („Službeni glasnik grada Lukavac“, broj: 12/25), a u kojem je ponuda privrednog društva iz stava (1) ovog člana, u skladu s kriterijima za dodjelu ugovora, ocijenjena kao najpovoljnija.

Član 2.  
(Zaključenje Okvirnog sporazuma)

Ovlašćuje se služba nadležna za komunalne poslove da, u zakonskom roku, u skladu sa odredbama ove Odluke, člana 6. Odluke o davanju saglasnosti za pokretanje postupka javnih nabavki usluga javnog linijskog prijevoza putnika na području grada Lukavac, putem otvorenog postupka javne nabavke usluga sa međunarodnom objavom („Službeni glasnik grada Lukavac“, broj: 12/25) i Odluke o izboru najpovoljnijeg ponuđača broj: 04-04-3313/25 od 29.12.2025.godine, sa privrednim društvom iz člana 1. ove Odluke, zaključi Okvirni sporazum o nabavci usluga obavljanja komunalne djelatnosti javnog linijskog prevoza putnika na području grada Lukavca.

Okvirni sporazum iz stava (1) ovog člana će obavezno sadržavati najmanje sljedeće elemente:

- a) predmet i trajanje Okvirnog sporazuma,
- b) rok izvršenja usluge,
- c) način vršenja usluge,
- d) cijenu, rok i način plaćanja,
- e) obaveze Grada Lukavca kao naručioca usluga i privrednog društva iz člana 1. ove Odluke kao davaoca usluga,
- f) način kontrole i nadzora nad vršenjem usluga,
- g) odredbe o ugovornoj kazni i višoj sili,
- h) odredbe o naknadi štete i raskidu Okvirnog sporazuma, kao i
- i) garanciju za uredno izvršenje pojedinačnih ugovora.

Okvirni sporazum iz stava (1) ovog člana zaključuje se na rok od četiri godine, s tim da se u okviru navedenog roka, u skladu s potrebama Grada Lukavca, zaključuju pojedinačni ugovori, najmanje jednom godišnje, a prvi pojedinačni ugovor se zaključuje bez odlaganja po potpisivanju okvirnog sporazuma iz stava (1) ovog člana.

Daje se ovlaštenje službi nadležnoj za komunalne poslove da može vršiti izmjene odredbi već zaključenog Okvirnog sporazuma, u smislu usklađivanja linija, broja polazaka i povrataka, broja stanica, vremena polaska i povratka i sl. u skladu sa iskazanim realnim potrebama na terenu.

Privredno društvo iz člana 1. ove Odluke obavezno je započeti pružanje usluge obavljanja komunalne djelatnosti javnog linijskog prevoza putnika na području grada Lukavca nakon što se potpišu okvirni sporazum i ugovor iz stava (3.) ovog člana, a najkasnije dvadeseti dan od dana stupanja na snagu ove Odluke, te je u istom roku dužno uspostaviti sistem naplate voznih karata.

**Član 3.**  
(Praćenje izvršenja ugovora)

Zadužuje se služba nadležna za komunalne poslove da imenuje lica ovlaštena za praćenje izvršenja pojedinačnih ugovora zaključenih na osnovu i u skladu sa Okvirnim sporazumom iz člana 2. ove Odluke.

Lica iz stava (1) ovog člana imenuju se iz reda uposlenika gradske službe za komunalne poslove, a po potrebi i iz reda uposlenika drugih gradskih službi za upravu, kao i javnih preduzeća čiji je osnivač Grad Lukavca.

**Član 4.**  
(Stupanje na snagu)

Odluka stupa na snagu danom objavljivanja u „Službenom glasniku Grada Lukavca“.

PREDSJEDAVAJUĆI GRADSKOG VIJEĆA  
Sarajlić Midhat, dipl.ecc.

## OBRAZLOŽENJE

### PRAVNI OSNOV ZA DONOŠENJE

Pravni osnov za donošenje ove Odluke su član 8. Zakona o principima lokalne samouprave („Službene novine Federacije Bosne i Hercegovine“, broj: 49/06 i 51/09), član 23. Statuta grada Lukavca („Službeni glasnik grada Lukavca“, broj: 14/25), a u vezi sa članom 9. stav 4. Zakona o komunalnim djelatnostima („Službene novine Tuzlanskog kantona“, broj: 11/21 i 7/25).

### RAZLOG ZA DONOŠENJE

Razlog za donošenje ove Odluke je potreba obezbjeđivanja kontinuiranog javnog prijevoza putnika sa područja grada Lukavca, a u skladu sa odredbama Zakona o komunalnim djelatnostima („Službene novine TK“, broj: 11/21 i 7/25) – (u daljem tekstu: Zakon).

### OBRAZLOŽENJE POJEDINIH RJEŠENJA

Članom 3. Zakona određene su poslovi koji spadaju u segment komunalnih djelatnosti, i to: snabdijevanje pitkom vodom; odvođenje i prečišćavanje otpadnih voda; snabdijevanje toplotnom energijom; obavljanje javnog prijevoza putnika; održavanje čistoće; odlaganje komunalnog otpada; održavanje javnih površina; održavanje javnih parking prostora i javnih garaža; održavanje grobalja; obavljanje pogrebnih poslova; tržnice i pijace; održavanje javne rasvjete; obavljanje kafilerijskih poslova; dekorisanje i obavljanje dimnjačarskih poslova.

Članom 8. Zakona propisano je da općina obezbjeđuje obavljanje komunalnih djelatnosti putem:

- a) javnog preduzeća komunalnih djelatnosti,
- b) pravnog ili fizičkog lica na osnovu ugovora o povjeravanju komunalnih poslova,
- c) pravnog lica na osnovu ugovora o koncesiji,
- d) javno-privatnog partnerstva, u skladu sa Zakonom o javno-privatnom partnerstvu („Službene novine TK“, broj: 19/17 i 14/19) (u daljem tekstu: davaoci komunalnih usluga), a da Općinsko/Gradsko vijeće može odlučiti da se o organizovanju obavljanja pojedinih komunalnih djelatnosti ili poslova iz okvira tih djelatnosti u seoskim i izdvojenim naseljenim mjestima, kada te djelatnosti služe isključivo potrebama stanovništva i drugih subjekata u tim naseljima, stara mjesna zajednica.

Članom 9. Zakona propisano je da opština/grad može obavljanje pojedinih komunalnih djelatnosti koje se finansiraju iz njenog budžeta povjeriti pravnom ili fizičkom licu na osnovu pisanog ugovora, da opštinsko vijeće/gradsko vijeće određuje komunalne djelatnosti iz stava (1) ovog člana, te utvrđuje uslove i mjerila za provedbu prikupljanja ponuda za povjeravanje određenih komunalnih poslova na osnovu ugovora, da se postupak za dodjelu komunalnih djelatnosti pravnom ili fizičkom licu vrši u skladu sa Zakonom o javnim nabavkama, a da nakon prikupljanja ponuda opštinsko vijeće/ gradsko vijeće donosi odluku o izboru lica kome će se povjeriti obavljanje komunalnih poslova na osnovu ugovora. Istim članom propisano je da na osnovu odluke iz predhodnog stava opštinski načelnik/gradonačelnik sklapa ugovor o povjeravanju određenih komunalnih poslova koji obavezno sadrži:


- a) djelatnost za koju se sklapa ugovor,
- b) vrijeme na koje se sklapa ugovor,
- c) vrstu i obim poslova,
- d) način određivanja cijene za obavljanje poslova, te način i rok plaćanja,
- e) garanciju izvršioca za ispunjenje ugovora,

te da se ugovor iz člana može se zaključiti najduže na vrijeme od četiri godine.

Članom 17. Zakona propisano je da su davalac i korisnik komunalne usluge dužni usaglasiti prije početka korištenja usluge sve elemente pružanja određene komunalne usluge (prava i obaveza davaoca i korisnika komunalne usluge, te druga bitna pitanja) i o tome zaključiti ugovor.

OBRAĐIVAČ:

M.B.



GRADONAČELNIK

Dr. Sci. Edin Delić

*Edin Delić*